



Adresa: **Ul. Hamdije Čemerlića 39**
71000 Sarajevo
<http://www.voda.ba>

tel. +387 33 726 422;
fax. +387 33 726 414
e – mail: info@voda.ba

Broj: UP-1/21-3-40-124-4/22
Datum: 14.04.2022. godine

„Agencija za vodno područje rijeke Save“ Sarajevo rješavajući po zahtjevu pravnog lica Tvornica cementa Kakanj d.d. Kakanj za donošenje rješenja o vodnoj dozvoli za ispuštanje oborinskih onečišćenih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta prilikom izvođenja aktivnosti na eksploataciji mineralne sirovine krečnjaka, na površinskom kopu „Ribnica“, općina Kakanj, na osnovu člana 139. stav (1) tačke 3. i 10. Zakona o vodama („Sl. novine Federacije BiH“, br. 70/06) i člana 200. stav (1) Zakona o upravnom postupku („Sl. novine Federacije BiH“, broj 2/98 i 49/99), donosi

RJEŠENJE **o vodnoj dozvoli**

1. Pravnom licu Tvornici cementa Kakanj d.d. Kakanj daje se vodna dozvola za ispuštanje oborinskih onečišćenih voda i aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta prilikom izvođenja aktivnosti na eksploataciji mineralne sirovine – krečnjaka, na lokalitetu površinskog kopa „Ribnica“, općina Kakanj.
2. Ova vodna dozvola se odnosi isključivo za aktivnost ispuštanja oborinskih nečišćenih voda i aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta na lokaciji kompleksa objekata definisanih tačkom 1. ovog Rješenja i ne oslobađa podnosioca zahtjeva obaveze pribavljanja vodne dozvole za zahvatanje vode i ispuštanje sanitarno-fekalnih otpadnih voda, a za čije izdavanje je nadležno Ministarstva za poljoprivredu, šumarstvo i vodoprivredu Zeničko-dobojskog kantona, u skladu sa članom 139. stav (2) tačke 1. i 2. Zakona o vodama.
3. Rješenje o vodnoj dozvoli je doneseno na osnovu pregleda dokumentacije kojom raspolaže podnosilac zahtjeva, izvršenog uviđaja na lokalitetu i pod slijedećim uslovima:
 - 3.1. Da se upotreba i korištenje predmetnih objekata vrši u skladu sa njihovom prirodom i namjenom te u skladu sa uslovima iz ove vodne dozvole.
 - 3.2. Da se objekti čija je svrha odvođenje i prečišćavanje voda (betonski separator ulja i masti, slivnici, rešetke, kanali, šahtovi, betonski taložnik, kanalizaciona mreža i dr.) redovno održavaju i koriste na način koji će obezbijediti njihovu potpunu ispravnost i funkcionalnost.
 - 3.3. U toku važenja ovog Rješenja, korisnik predmetnih objekata je obavezan poduzeti sve potrebne mjere kako bi kvalitet otpadnih voda, a prije ispuštanja u recipijent, zadovoljio granične vrijednosti u skladu sa Prilogom 27. Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj: 26/20 i 96/20).
 - 3.4. Da se redovno vrši monitoring prečišćene otpadne vode iz okana za monitoring shodno članu 19. i 20. Uredbe o uslovima ispuštanja otpadnih voda u okoliš i sisteme javne kanalizacije, te pojedinačne i zbirne godišnje izvještaje dostave Agenciji u skladu sa članom 23. iste Uredbe.
Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaju i načinu davanja ovlasti („Službene novine Federacije BiH“, broj 14/10, 14/13 i 26/14).
 - 3.5. Ukoliko rezultati analiza vode ukažu na prisustvo ulja i masti iznad dozvoljenih vrijednosti propisanih Uredbom, tada se Investitor obavezuje da izvrši ugradnju separatora ulja i masti sa koalescentnim filterom u skladu sa normom 858 EN.
 - 3.6. Ukoliko Vlada Zeničko-dobojskog kantona propiše dodatne (strožije) uvjete za ispuštanje otpadnih voda u površinske vode, od uvjeta definisanih u tabeli 1. Priloga 27. Uredbe o uslovima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste zadovoljiti.
 - 3.7. Da se, u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).

- 3.8. Sadržaj (mulj) iz postrojenja za prečišćavanje otpadnih voda i ostali otpad ne smije se odlagati na česticu „vodno dobro“, odnosno u vodotok i na njegove obale.
- 3.9. Da se istrošena ulja, nauljene krpe i sav opasan otpad koji se koristi u procesu čišćenja i održavanja objekata, postrojenja i mehanizacije redovno prikuplja i propisno, privremeno skladišti u metalne spremnike, do krajnjeg, ekološki prihvatljivog zbrinjavanja od strane ovlaštene organizacije, a prema sačinjenom ugovoru.
- 3.10. U toku izvođenja radova kao i same eksploatacije iskopani materijal sirovine krečnjaka ne smiju ni privremeno odlagati na česticu «vodno dobro», odnosno u vodotok i na njegove obale.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, pravno lice je dužno provoditi sve mjere i aktivnosti propisane istom.
6. Ukoliko radom predmetnog poslovnog objekta za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.
7. Vlasnik odnosno korisnik objekta nema pravo na naknadu eventualnih šteta prouzrokovanih plavljenjem i iste padaju na njegov teret.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. U ovoj upravnoj stvari plaćene su sve upravne pristojbe.
10. Ova vodna dozvola, shodno članu 117. stav 1. Zakona o vodama se daje sa rokom važenja od pet godina od pravosnažnosti ovog rješenja.
11. Ovo rješenje o vodnoj dozvoli može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice Tvornica cementa Kakanj d.d. Kakanj obratio se ovoj Agenciji sa zahtjevom za donošenje rješenja o vodnoj dozvoli za ispuštanje oborinskih onečišćenih voda i aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta prilikom izvođenja aktivnosti na lokaciji površinskog kopa „Ribnica“, općina Kakanj na kojem se vrši eksploatacija građevinskog kamena krečnjaka.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

A. Opća dokumentacija

- Aktuelni izvod iz sudskog registra, broj: 043-0-RegZ-16-000719 od 23.03.2016. godine izdat od strane Općinskog suda u Zenici – ovjerena kopija,
- Uvjerjenje o poreznoj registraciji od 22.02.2012. godine izdato od strane Kantonalnog poreznog ureda u Zenici – ovjerena kopija,
- Uvjerjenje o registraciji obveznika poreza na dodanu vrijednost, broj:04/5-1/IV-17-1-5684-43/05 od 12.11.2005. godine izdato od strane Uprave za indirektno-neizravno oporezivanje Banja Luka - ovjerena kopija,
- Rješenje o odobrenju za eksploataciju, broj: 04-18-4737-4/04 od 10.02.2004. godine izdato od strane Ministarstva za privredu Zeničko-dobojskog kantona – kopija,
- Rješenje o odobrenju za upotrebu, broj: 04-18-4737-7/04 od 11.07.2006. godine izdato od strane Ministarstva za privredu Zeničko-dobojskog kantona – kopija,
- Ugovor potpisan sa TQM d.o.o. Lukavac, broj: 01-07.03-2637/22 od 09.02.2022. godine – kopija,
- Ugovor potpisan sa „Kemeko-BH“ d.o.o. Lukavac, broj:01-07.03-2233/22 od 21.01.2022. godine – kopija,
- Zaključak o odbacivanju zahtjeva za izdavanje Rješenja o okolinskoj dozvoli, broj: UPI 05/2-23-11-273/21 MK od 24.01.2022. godine izdat od strane Federalnog ministarstva okoliša i turizma – kopija,
- Mišljenje o vodnoj dozvoli, broj:04/1-21-4574-3/21 od 30.12.2021. godine izdato od strane Službe za privredu, urbanizam i zaštitu okoline općine Kakanj – kopija,
- Rješenje o vodnoj dozvoli, broj: UP-I/25-3-40-348-3/17 od 01.06.2017. godine izdato od strane Agencije za vodno područje rijeke Save, Sarajevo – kopija,

- Rješenje o vodnoj dozvoli, broj:05-25-05063-2/17 od 07.08.2017. godine izdato od strane Ministarstva za poljoprivredu, šumarstvo i vodoprivredu Zeničko-dobojskog kantona – kopija,
- Ugovor potpisan sa „Delta petrol“ d.o.o. Kakanj, broj:01-07.03-20356/21 od 22.10.2021. godine – kopija,
- Ugovor potpisan sa JP „Vodokom“ d.o.o. Kakanj, broj:01-07.03-19737/21 od 18.10.2021. godine – kopija,
- Ugovor br. KC 001/2000 od 12.09.2000. godine o koncesiji za istraživanje i eksploataciju mineralnih sirovina sklopljen sa Ministarstvom za industriju, energetiku i rudarstvo Zeničko-dobojskog kantona – kopija,
- Opći akt o održavanju, korištenju i osmatranju vodnih objekata i postupanju u slučaju kvara ili havarije u kamenolomu Ribnica u Općini Kakanj, urađen od strane „ES Hydrotechnics“ d.o.o. Sarajevo, februar 2022. godine,
- Zbirni izvještaj o monitoringu kvaliteta i kvantiteta otpadnih voda za 2021. godinu urađen od strane TQM d.o.o. Lukavac, novembar 2021. godine,
- Dokaz o uplaćenju federalnoj upravnoj pristojbi na zahtjev

B. Tehnička dokumentacija

- Projekat izvedenog stanja vanjskih instalacija vodovoda i pratećih objekata na kamenolomu „Ribnica“ u Općini Kakanj, urađen od strane „ES Hydrotechnics“ d.o.o. Sarajevo, oktobar 2021. godine,
- Izvod iz projektne dokumentacije - Dopunski rudarski projekat rekonstrukcije faze otvaranja, pristupnog puta i industrijskog kruga na PK kamenolomu „Ribnica“ kod Kakanja, urađen od strane „Rudarski institut“ d.d. Tuzla, mart 2005. godine.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 12. stav 5. i 6. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20) izvršen je uviđaj na lokalitetu i tom prilikom sačinjen Zapisnik o izvršenom uviđaju broj: UP-1/21-3-40-124-2/22 od 13.04.2022. godine.

Na osnovu dostavljene dokumentacije, izvršenog uviđaja na licu mjesta utvrđeno je sljedeće:

- Kamenolom „Ribnica“ nalazi se na lokalitetu Ribnica – Subotinje, udaljenoj oko 8,0 km od Tvornice cementa Kakanj. Prostor kamenoloma podijeljen je u tri zone, i to: zonu eksploatacije, zonu pristupnog puta i zonu industrijskog kruga. Mineralna sirovina se kamionima odvozi u tvornicu cementa na preradu.
- Na platou industrijskog kruga izgrađeni su sljedeći objekti: garderoba, alatnica, mokri čvor, čajna kuhinja, prostorija za smještaj uprave i rudarskog nadzornika, pralište za mobilnu rudarsku opremu, radionica, parking sa nadstrešnicom.
- Na predmetnoj lokaciji izgrađene su vanjske hidrotehničke instalacije vodovoda, i to: vlastiti zahvat – kaptaža, kapaciteta $Q = 0,12 - 0,17 \text{ l/s}$, vodomjer, cisterna za vodu, $V = 10 \text{ m}^3$, pumpna stanica, vanjska vodovodna – sanitarna i hidrantska mreža.
- S obzirom da na lokaciji nema vodovodne mreže na koju bi se plato industrijskog kruga priključio, snabdijevanje predmetnog objekta vodom vrši se priključkom na vlastiti vodozahvat. Karakteristika ovog izvorišta je da je silazan. Silazni izvori se najčešće nalaze u oblastima plitkog krša, te su manje izdašnosti, a skloni su i povremenom presušivanju. S obzirom na prethodno, izgrađena je cisterna zapremine $V = 10 \text{ m}^3$. S obzirom da se radi o malim količinama vode u slučaju slabog dotoka kaptiranog izvora, ukupana cisterna se, po potrebi, dopunjava iz pokretnih cisterni.
- Na platou industrijskog kruga izgrađen je kanal za pranje mehanizacije iz kojeg se zamuljena voda odvodi do taložnika te do betonskog dvokomornog separatora ulja i masti. Nakon separatora voda se preko monitoring okna odvodi do otvorenog kanala. Taložnik je dimenzija cca $8,0 \times 2,0 \text{ m}$. Izgrađen je betonski dvokomorni separator ulja i masti, dimenzija $2,3 \times 1,0 \times 1,9 \text{ m}$.
- Servisni kanal u radionici za popravku mehanizacije nema odvod. Staro rabljeno ulje i zauljeni otpad se prikuplja u burad i skladišti u posebnom kontejneru čije su podne obloge obrađene na način da su otporne na dejstvo hemikalija.
- Odvoz opasnog otpada i čišćenje separatora ulja i masti vrši „Delta petrol“ d.o.o. Kakanj. Posljednje čišćenje izvršeno je u augustu 2021. godine.
- Pravno lice posjeduje dokument kojim se potvrđuje da nisu u obavezi ishodovati rješenje o okolinskoj dozvoli izdato od strane Federalnog ministarstva okoliša i turizma (za kamenolom Ribnica).
- Tvornica cementa Kakanj posjeduje koncesioni ugovor za eksploataciju mineralne sirovine krečnjaka na P.K. „Ribnica“, koji je potpisan sa Vladom Zeničko-dobojskog kantona.

- Monitoring kvaliteta i kvantiteta otpadnih voda se kontinuirano vrši od 2013. godine. Posljednje ali i prethodne analize kvaliteta otpadnih voda ukazuju da izmjereni parametri (na mjernim mjestima E1 i E2) zadovoljavaju granične vrijednosti emisije otpadnih vode koje se ispuštaju u prirodne recipijente u skladu sa Uredbom.
- Ugovor za vršenje monitoringa za 2022. godinu potpisan je sa TQM d.o.o. Lukavac.
- Na prostoru PK „Ribnica“ ne vrši se skladištenje nafte i naftnih derivata.
- Sa firmom „Kemeko BH“ d.o.o. Lukavac potpisan je ugovor o skupljanju, skladištenju i zbrinjavanju opasnog otpada.
- Monitoring kvaliteta i kvantiteta otpadnih voda u 2021. godini vršio je TQM d.o.o. Lukavac. Prema rezultatima analiza iz Zbirnog izvještaja o monitoringu nisu utvrđeni parametri koji prekoračuju dozvoljene vrijednosti propisane Uredbom o uslovima ispuštanja otpadnih voda u okoliš i sisteme javne kanalizacije.
- U prethodnom periodu, od izdavanja rješenja o vodnoj dozvoli broj: UP-I/25-3-40-348-3/17 od 01.06.2017. godine, pravno lice nije vršilo dogradnju i/ili izmjenu sistema – hidro faze na ovom lokalitetu.

Na osnovu dostavljene dokumentacije i utvrđenog činjeničnog stanja, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom propisani uslovi kako je to regulisano članom 115. do člana 118. Zakona o vodama i članovima 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07).

Na osnovu provedenog postupka konstatuje se da je podnosilac zahtjeva investitor Tvornica cementa Kakanj d.d. Kakanj ispunio minimum uslova za izdavanje vodne dozvole za ispuštanje oborinskih onečišćenih voda i aktivnosti koje mogu imati specifične uticaje na vode sa lokacije površinskog kopar-kamenoloma „Ribnica“, općina Kakanj, te je riješeno kao u dispozitivu ovog Rješenja.

Podnosilac zahtjeva je uplatio upravnu taksu u iznosu od 70,00 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13). Podnosilac zahtjeva je uplatio i posebne troškova koji su nastali u toku vođenja upravnog postupka, u skladu sa članom 127. Zakona o vodama („Službene novine Federacije BiH“, br. 70/06) i članova 4. do 7. Pravilnika Agencije o naknadi posebnih troškova u postupku izdavanja vodnog akta.

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

mr Selma Merdan, dipl.inž.geol.

Prilog: Tehnička dokumentacija navedena pod tačku B. obrazloženja rješenja

**2x Po ovlaštenju
Rukovodilac sektora za izdavanje
vodnih akata**

Haris Ališehović

Haris Ališehović, dipl.inž.građ.

Dostaviti:

- Tvornica cementa Kakanj d.d. Kakanj, Selima ef. Merdanovića 146 Kakanj, (sa prilogom),
- ⊙ AVP Sava, ISV – Vodna knjiga,
- Sektor 50,
- Sektor 40, arhiva,
- Oglasna ploča-AVP Sava